



B83



秋澗先生大全文集

八




Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



秋澗先生大全文集卷第二十七

七言絕句

過文貞宋公墓

廣州去闕幾千里中使嚙恩信貴僚莫訝簡驩無一
語太平勲業見風標


沙丘宮

齊梁霸趙何雄壯探轂回鋒透懦庸千古興亡酷相
似武靈而後有莊宗

栢鄉道中

聯鍾時喜笑談開不覺凌風漲百埃曉日迫亭橋畔
路青山一道柳邊來

大都小雪時聞兩廣捷至



雪翻廣栢飄梅粉雲覆宮牆抹竹煙預爲新年傳喜

夜到甘泉

宮杖亡宋物也左丞姚公以

上所賜出示坐客故有此作效王建體

六宮催上木蘭舟百色輸來不敢留親見紫宸新製
杖金盤龍地玉虬頭

過中山府

紅旗鐵馬響春冰儒將清邊世莫驚遼吏不知澹泊
險使來先問二蘇名

過梁門

漠漠蒼溟海氣霾銅梁北照遂城開不知陂漲能遮
甚萬騎滌索戰來

毳幕卓歇圖

牙旗風軟馬蕭蕭渭水歸來氣更豪想得龍沙西北
道際天秋草黑山高

題花光墨梅二絕

蜀僧超然字仲仁居衡陽花光山避靖康亂
徙江南之柯山與叅政陳簡齋並舍而居山
谷所爲研墨作梅超凡入聖法當冠四海而
名後世嘗有移船來近花光住寫盡南枝與
北枝之句其丰度可想見矣趙雲夢題云如
王謝子弟倒冠落佩舉止敬傾自有一種風
味盖前朝高丞相家物暗香疎影溪雪春風
四圖今失其溪雪見爲宋漢臣所收僧號花

光道人東坡山谷少游皆有贈詩

滿溪明月影扶踈，只在緇塵點雪膚。展放畫圖還記得，孤山離落漲西湖。

破墨能開雪裏芳，道人花供老猶香。移船要近花光住，笑教涪公有底忙。

裕卿李兄來別復效樂天體以贈

晤語從游喜任真，玉堂僧舍幾相親。河梁莫厭重携手，明日共為千里人。

題朱彥暉三陪手卷

謂木庵陪飯實漢卿陪針陳學士陪口也陳時可字秀玉

余年五十覺籠東，左臂偏枯右耳聾。說道燕城陪手客，此針傳授到朱公。

江村訪友圖

江東宰相說風流，賈嗣吳潛果孰優。今日國亡出時須來訂，晉陽秋。

庶公作牧古無雙，聞道旌招別楚邦。何計挽留我，似來謀及鹿門龐。

兩椽茆屋枕江濱，杖屨來敲月下門。不是愛梅多看竹，冷香踈影坐黃昏。

韓幹畫照夜白圖

開元天子燕遊多，一骨承恩玉色瑳。所養自來非所用，雨中蜀棧要青驄。

纓綬騶衣一色紅，玉華光照苑門空。昭陵六駿秋風裏，辛苦文皇百戰功。

沉香亭下牡丹芳，宮漏穿花夜宴央。輦路傳呼停鳳

燭內家歸託玉麟光松憲雜錄云關元中明皇嘗幸夜白與太真妃賞牡丹於沉香亭
政捐金鑑九齡歸聲色糊塗醉不知天意種深天寶
禍故生尤物配妖姬

題何侍御所藏雪霽江村圖

雪霽澄江照眼開常年十月蔽兵埃而今風物真堪
畫滾滾行商兩浙來
栢臺霜信肅江楓寒入黃茅瘴已空一線暮江春雪
外枉將新意託清雄
炎瘴消殘一雪餘勾吳無地不亨衢江山正要燕公
筆却點驟網入畫圖

滕王蝶蟻圖 劉侍御家藏

兩翅輕翻暈粉金內人無計撲羅襟南昌閣底花如

霧迷殺春香一寸心

槐壤紛紛事暫歡枕中栩栩伴周閑丹青欲識滕王
意須着人間比夢間

粉香金翠夢能甜細寫春條入筆尖却恐尋香飛便
去六宮爭下水晶簾王建宮詞有傳得滕王蝶蟻圖之句

夏日玉堂即事

悠悠時事百年心歲月徒成昨與今萬一寸長能及
物不愁華髮已盈簪
失時已抱周人恨濟物長深求叔懷鈴索不鳴朝日
靜坐着簾影轉苔階

世願登瀛不作卿玉堂更比憲臺靖只緣白獸樽中
醴當日元王為穆生

陰陰槐幄翳閑庭靜侶藍田縣事廳細草近綠春南
過暎塔侵戶一時青

日長上直玉堂廬思入閑雲待卷舒重為盛時難再
遇等閑羞老蠹書魚

故開府儀同三司中書左丞相贈太尉謚忠
武史公挽詞有序

維大元國至元十二年歲乙亥二月七日

中書左丞相忠武史公以疾薨于位訖間天
下痛悼嘆哲人之云亡哀斯民之無祿在某
又有感焉而不能已者初壬子歲公受封於
衛其年秋來視師某以諸生啟事上謁特聽
焉錄用實資藉之俾進其所未至以需

逮中統建號之明歲公入當鈞軸時某掌記
中堂館門下者半歲首奏擢除翰林修撰兼
內省都司既而以事註得公辨明免歸至元
改元總尹都督移鎮東魯辟某克幕官導公
命也公之意蓋欲革舊事行新用也九年壬
申錄御史得調平陽謁公授曠去曰若綿歷
頰父同列貴和餘復何云年明朝議經制南
伐詔公開府襄州節制諸軍又將以僚屬召
尋輿疾比還事雖不果於菲薄寔加重嗚呼
昔韓愈從事汴州於隴西公有倦倦不忘者
在裴中令為可知不肖某何敢望昌黎之清
光而忠武勲德為世宗臣遠邁中令而某也

始終沐公裁成如翼使聲光燭耀於時其感
戴當何如哉一旦翹大樹之悲風痛吾儕之
安仰此李平廖立淚下而霑襟者也爰賡薤
露之歌用表素旂之末前十章頌公德業之
萬一後五章擲平昔傾遇辱知之厚傳武侯
於近代敢躡蹤張拭之文贊克國於麟臺庶
張本揚雄之作尚冀
神靈鑒茲誠悃其詞曰

補哀功深作帝箴片言能霽萬方霖白頭無地酬知
已重爲蒼生淚滿襟
寇鄧高勳上將材丹青圖畫冠靈臺舉頭納納乾坤
大辛苦中原百戰來

南臨江漢北無垠英衛軍機祐預仁百代盛從青史
見漢家群后有元臣

遺表陳情不及私南征無嗜殺爲嬉身雖不覩吳平
後羊祐恩威有素規

元勳高在麒麟上曠度初無智勇名欲見令公陰德
厚一門八子總公卿

幾年黃閣見調元福浸蒼生奠枕眠兩號改元幾二
紀不交波及海南天
閭節堂堂五路尊繼承諸姪動天閭推恩不爲夷齊
讓要慰先臣地下冤

身後論功誓不磨德韃高塚鬱我差千年零落丘山
底忍聽唐鏡作露歌

上計歸來愈謹忠又從潛邸識

真龍十年浴鳳池邊夢不到歌鐘甲第雄

逆齋節制竊桓文鱷鬣翻波海氣昏堂上有兵能制

勝一言料死並中豚

時予都司中堂公聞逆璽突入濟南有
綸入圈無能為之句至成擒竟如所料

先皇登極公封衛賞識初緣啓事陳二十年間門下

客愧無椽筆贊經綸

昂藏綠野堂前鶴飲啄當年鳳池一諾見推連省

署九泉埋骨荷深知

中統三年余在上都
公館馬日陪侍左右

幕圍火烈燕巢傾北際誰能託死生一語保全微命

去聖安方丈記辭行

拂衣歸去老田園木屑筠頭苦見憐尺一起為蓮幕

客東平門下又三年

征南開府控襄州舒也何為預唱籌報德愧無千字
誅峴山南望淚空流

萬壽節同宋太常弘道出左掖門口號

禁漏穿花夜已央宮槐籠曉色蒼蒼君愁勳一點東華
日先到紅鸞扇影光

隔夜端門分板位平明簪笏列鵷行紫雲低覆千官

拜潤入金爐百和香

羯鼓聲高吹管清九天合作鳳鸞鳴侍儀贊唱三成
後磬折齊呼萬壽聲

花映崑廊近紫宸宮官行酒過三巡共携滿袖香煙

出散作都城十日春

對品班分玉筍行一時望拜殿西廂百官燕出宮闈

靜踈雨濛濛濕建章

過王太師廟

在壽張縣西三十里

老雨莓苔滿露臺野棠花映廟門開地中鐵戟消沉
盡時有陰風樹杪來

題開州驛亭壁 并序

昔有宋之三葉也遼人大舉入寇南抵澶淵
有併吞席卷之勢堯叟以蜀產主議西巡欽
若以吳人請狩建業社稷安危在此一舉萊
公審勢明料敵果挺不拔之忠任投瓊之責
奮不顧身竟夷國難當特遼舉國之兵膽已
隋公北狩一言奚待斃延壽一矢之力也庚
申秋予應辟東魯道出是邦按轡周覽想河

流之奔洶仰壁壘之雄峻斯亦宋之金湯也
遂盤礴回鑿碑下慨然有懷古人臨大節處
大難旬中素有所定不然淮陰以漢中累對
烏得還定三秦武侯以南陽一論遽能西取
劉璋東向以爭天下者哉
幸蜀巡吳避銳鋒竟從孤注就天功千年草木餘威
在野老猶能說寇公

顯宗書三教晤言圖

兩晉玄風倡永嘉晤言新意出承華後人莫作無同
論剖破藩籬即大家
微言初不出吾書正恐雄誇涉誕虛坐上若拈花葉
問發端當自仲尼居

承華宸翰日重光大定聲明有父皇若以撫軍監國
論長沙書疏未容忘

緇衣蔽路樂清修羽客談玄日自由眼孔倍怜吾輩
小終年平地看錢流

爲僞戶印造寶鈔

鬢絲禪榻喜相依休問珠英果是非已着孔林殘照
重青衫漸染變緇衣

徽宗臨張蒼宮騎圖

缺胯頰衫玉帶圍
鬃華翻影下瑤池老徽筆底無留
思貌盡春風出閣儀

碧暈紅細思有餘較來經國太工夫大風歌裏雲飛
遠不畏高皇笑殺渠

戊寅歲燕都元夕

萬家簫鼓憶升平九陌銀華璧月澄此夕
薊門南北望風簷隨分兩三燈

九齡忠諫圖

挺笏摧姦論已萌帝心唯恐悞忠貞
開元所事呈來足兵欠成都萬里行

樂土宣鷄鵲圖宣和畫工

彩羽暈明照影閑
蓼汀沙暖睡初殘擊揚寄謝霜空
鷓輸與江湖百頃寬

四皓圖

山中日月到華胥
潤飲芝餐樂自殊
苦被留侯容不得
須教人彘事相污

送南冠徐子懌兵后還武昌

卧老盧龍塞下春故鄉心緒異鄉身燈前一展平安
報照眼清江月近人
故里依稀竹樹煙白頭此日是歸年多應秉燭東湖
夜夢裏相看一泫然

王摩詰驪山宮圖

安遠門西萬里餘耕桑煙火總民居只應勤政樓中
夢百倍華清樂不如
憶昔風流王右相開元親侍玉堂廬細吟凝碧池頭
句政恐丹青是諫書

跋張龍丘簪花圖

醉吟賞畫洛陽春老與坡僊作近隣未礙一枝長在
眼靜庵方寸本無塵

龍丘子晚居黃岡驪山
居士與東坡為隣靜

荆氏周急圖

九縣颺馳到杞天禾厘擲比山豈容全指困能繼前賢
舉亦是農家識事權

宣和梅蘭圖

暈碧裁紅奪化權水姿芳魄鬪春妍只應五柞宮中
夢不到幽香淡影邊
木有寒梅草有蘭色香宜作一圖看曾憂荆杞生庭
戶歲暮芟夷有至難

題張寶臣手卷

華裾織翠萬金身名動春坊劔字新全侶當年天策
府經綸王業半儒臣

跛船子和尚圖

戢戢波間萬鮪遊一鈎那得盡頭何如收却綸竿
坐明月千江任自由

漁樵閑話圖

艤舟施擔兩欣然千古興亡話眼前忘却前溪歸路
晚暝煙橫合碧山巔

觀稼

朝餐不再腹爲虛多稼雲連仰雨濡今日東城看佳
色愈知糞壤是金珠
今年薪桂米量珠日聽閭閻有殍夫縱使積金高比
斗不知能濟此飢無
煙鋪雲委泛晴光平遠風來粒米香鄒孟孟最深王道
本徑從五畝論耕桑

雨後看山

西山盡日塵土面一雨晚來膏沐容晴霽最堪圖畫
更白雲零亂點高峯

竹林七賢圖

森森煙玉太行秋七子徜徉結勝遊笑殺阿戎真俗
物出山能幾執牙籌

魏晉清談倡若徒永嘉東播洛爲墟大書不削陽秋
筆更着丹青詫隱居

讀文中子傳

書成復性才稱訓道見原人本自文聖學操存元不
易白溪猶有淺深分

山壑萬松圖

髯龍落落不凡材萬壑蒼煙鬱未開絕侶澗阿幽隱
士苦嫌塵土不歸來

巖風謾謾泛秋聲展放橫披眼便明酷似龍門山正
北兩崖陰合記經行

大厦歌傾要揀梁萬材於此齟齬蒼蒼正須叮囑工師
輩為棟為榱細選量

構厦先論大匠賢未搃椳闑不相捐何當剪伐長材
外乞與坡仙作畫煙

讀開元天寶間事

庭燔錦繡初年事矯枉情過久復歸鄒孟一言垂至
戒大臣無切格君非

常山不屈平生節中令能明死後忠未若廣平還具

眼當朝終不賞邊功

李龍眠二駿圖

突啗相忘絡腦羈沙平春靜草淒迷後人莫作丹青
看特為南華釋馬蹄

遼夏尋盟靜塞塵駟歸逸華山雲當時驟牝三千
匹辦與龍眠策畫勳

候廉相病

詩書素業清時樂草木平泉四季春識取相君無妄
疾自來憂道不憂貧

金華恩眷見來深李泌初無富貴心琴裏南風如解
愠正煩吹起傅岩霖

當年匹馬走雷風氣壓秦川百二雄今日露花攔檻

底秋絲爭吐看青蟲
貧不能移貴不驕丈夫到此是雄豪何當慰滿蒼生
望卧看東山月影高

明皇按樂圖

羽曲調音到克諧宮中花柳四時開五絃儘有南薰
手却喚花奴解穢來
興慶宮池水殿深帝心橫漬弱哇淫讓皇交愛情何
切獨為君王辨八音
逸圖零落御前幙心醉華清按樂聲擊損碧梧緣底
事促教秋雨劍關行

李伯時二馬圖

肉駿連錢汗血無絕足日與鴛鴦俱何當與馭彪將

解蹴踏連孽閩東隅

承顏堂

舉世紛紛說奉承色窮愉婉古難能近因細讀蘇公
傳眷戀庭闈有足稱

太子府戊寅夏六月廿日

千秋節同承旨姚公尚書許公行香口號

入朝已盡三嚴鼓禮佛重行繞殿香洞戶啓時宮燭
迥五雲朝處少微光

前呈光彩日重輝幻海風煙動旂曲冥未終閑委
珮朶頤廊下看靈龜

將入宮夜去夢一大龜飛舞余前
明日祝壽畢遂觀此龜

沉沉蘭殿寶香熏濟濟衣冠四皓賓識取元良無筭
壽斂時多福錫生民時奏停運司

題沁州杜敬天醉經堂沁春秋時地名鞫鞮
即文中子祖父故居銅川地

金沙霧散滿懷春總爲從來味道醇
醇適愈深心愈樂不任枯朽復何人

聖賢真味日陶然王氏遺書有正傳
河上丈人如見問却還糟粕到銅川

飲食誰非飽即嬉至論滋味幾人知
六經奧旨醲於酒不到沉酣總發醅

李相師詩并序

伏日簾垂坐卜蜀君平祿命雖高目擊道存
袁客師人倫尤妙嵩嵒處士李君術嶺鬼眼
盤洞清霄馳聲於京華二十年閱人於市樓

幾百輩多因勢解焚之說無虛高過喻之辭
待詔宮車屢承恩眷直氣曾驚於戶牖微
言預兆於機祥爲賦新詩先書小序

霧隱雲驤虎豹文眼中麻鞋說承恩羨君風鑒何精
切曾傳紅雲一笑溫

萬事心藏到隱微一言能發靜中機
聖皇臨御思賢切識取新豐馬布衣

過仁宗陵

道出黑石渡同宣慰陳慶甫遊仁宗陵後宋
人曾有詩云干戈銷弭歲年登邊將無功吏
不能四十三年那忍說暗垂雙淚過昭陵親

倚蘭被路柏園城此日秋禾滿廢陵伊洛水南崧少
後丙午六月記來曾

題承顏堂卷

近讀程氏遺書論曾子耘瓜誤斬其根曾皙
建大杖以擊其背曾子仆地不知人事良久
而蘇欣然而進曰大大用力教參得無疾乎
乃退援琴而歌使知體康孔子聞而怒曾子
至孝如此亦有這些失處若是舜百事從父
母只殺他不得又問申生待烹之事如何曰
此只是恭也若舜須逃也前日題此卷詩意
偶與此合喜為錄附其後

小雅報勞天罔極南陔致養戒何深浚完并廩從多

故一順能全是舜心

題禮宗所題宮扇

拱手深宮四十年只將詩酒闌清妍料應一片江湖
夢不到謝玄淝水邊

跋嘉祐熙寧間李昭珙所受告身三通

愛樹懷賢自昔然眼中真宰見羞肩因思近代文明
寂無侶嘉熙慶曆年

跋秦三擒竇建德圖

天命人心已有歸怒麤抗獄欲奚為自將五載飛揚
舉辦作秦主破陣辭

王昭君出塞圖

絕色當年冠漢宮誰移尤物使和戎流連不重君王

慾延壽丹青似有功用程晏論

朔漠風沙異紫臺琵琶心事欲誰開人生正有新知
樂猶勝昭陽赤鳳來

讀趙飛燕傳

木門蒼莖向夜開富平驕騎欲誰猜微行笑殺張公
子併引昭陽赤鳳來

題黠鼠賦後

鼠喻雄深過柳州竊時欺暴果誰尤惠卿未死舒王
在悄悄孤懷爲國憂
社鼠城狐固細微不勞區處動嫌疑何當論報堂階
下免使區區若輩欺
豺豕磨牙到暴殘容身應媿豕爲冠咄哉此輩何爲

者未用區區計面謾

黃筌蜂蝶圖

翅粉翻香卷鐵鬚亭亭花影小華胥黃生筆底留深
思似與齊丘釋化書

鳳輦隨渠即幸臨隔花望斷翠嬪心春風上下撲不
得飛過盡攔情更深

題劉君用可菴手卷

忤物能全古未聞正須多可應時人保身猶落婁公
後唾辱須防潔面噴

題樂天不能忘情圖

病來心事轉蹉跎身外猶嫌長物多况是春歸留不
得侍兒無用覓雙蛾

里陌鳴珂歲月深柳枝清唱伴長吟一朝並逐春風散却是維摩示病心

悲鳴駱馬莫回頭說似余情久倦游滿眼清伊石樓

月秋藜來徃亦風流

龍門八節鑿來平千首新詩貯佛經只為暮年無可

做又留公案久丹青

青衫憔悴老江州放逐歸來萬事休正有醉吟情未

減又翻新樣柳枝愁

春風不到身冠霜甚是溫柔與醉鄉展放畫圖還自

笑鬢更絲先比樂天蒼髮年四十二
髮半白

題醉仙圖

垂池清燕世空聞想像仙桃物外春盡史恍從

見丹青貌盡醉時真

等是高陽舊酒徒醉鄉真樂到華胥不然有口難言

際同向春風倒一壺

何物諸人作恠顛眼花落井口流涎酒酒總是胡毋

輩強着冠巾作散仙

公堂即事自箴

兩衙相並無尋丈一處繁囂一寂然間有事來還徇

却俯慚於地仰慚天

門帖子

不期北里富薰天明中朝日九遷喜見上旬壬子

會大家豐足過今年四日壬子

題杜氏近仁堂

青青庭草我何殊
物體方苞戒薙除
致養此心能類
長一軒和氣際堪輿

一作天生
見方輿

我欲斯仁仁即至
主人此理又相安
兩椽寓舍中堂
後莫作王孫火竈看

心德由來萬善宗
舉斯加彼即冲融
不須苦向道編
泥收取平時濟物功

漢署郎曹寔要津
不移居養幾何人
粹然一點慈祥
氣辦與人間作好春

嫂趨井坎爭援手
牛爲穀觫免釁鐘
天理在人曾間
斷多君操守便從容

顏子拳拳善服膺
豈徒歸美重名稱
寥寥此意千年
後復禮名家見杜陵

博愛功多到靖深
虛懷猶用近爲箴
煩君試閱金華
事何限當機利益心

跋燕肅牧羊圖

行飲溪流喜降陶
歸鞭影淡夕陽坡
侶將泚泚維千
角辦作宣王考牧歌

平秩東臯事有餘
荒煙平楚散林墟
牧人例有繁多
慶簑底秋江夢衆魚

題溫居士畫像

盛集寶蓮每會逢
笑談端有古人風
如公耆舊今能
幾又逐秋江月影空

太真風彩動并門
麴士流芳寔裔孫
今日坐看磐石
上老成雖遠典刑存

自稱晉溫
太真之後

題魯人張仲和鄉舒嘯亭手卷

蟻穴蜂衙開事機人心無路到清夷
儵然笑煞東皇客月白風清世不知

千山秋月照螺臺兩吻清風萬壑來
吹作半空鸞鳳去公和元是不凡林

已卯清明日雜詩時巡按南京

東風吹靜鐘窻墜落盡桃花別有春
一樹青梅老小湖山畔翠娥顰

早衙例向中時散宿酒禁持到日西
步繞芳叢

見閑情還與碧雲低

千門萬戶記經行瓦礫場中問舊名
一片

月照人依舊十分明

散公堂日昃西暮雲樓閣自高低
呢喃何處飛來

燕作爲巢新快穩棲

雪妥紅蠅點綴春桃花錦爛柳條新
那知春事都無

意燕子爭來強語頻

我近南來石濟津暖煙晴日欲烘
春自從入得清明

節連日春陰帶殺人

汴梁清明

連日風沙此日晴東君有意作清明
垂鞭醉入宮城去一片傷心畫不成

寒食日過隆德宮

當年陸海駭瓊藏此日繁華隨渺茫
春草不隨人事換依然分翠入宮牆

題孫郎中孝友峯

小穿沙鬪到玲瓏抵事題為孝友峯長着紫荆庭樹
影蘄哀天顯表冲容

館史闕府第宅

石欄春靜雨留苔江漢堂深又獨來前日平泉門下
客一花一草總興哀

宮墻

一片摧頽當道危風前竹色想依依偶逢白髮宮前
叟指顧因渠得禁闈

秋澗先生大全文集卷第二十七

秋澗先生大全文集卷第二十八

七言絕句

故宮遺石

華陽遺宮土花碧依然萬石如林立憔悴崩雲偃月
姿留與都人作寒食

至元十六年蕤賓前二日同賈漢卿遊上方光教寺
謁相上又不遇因賈往年留題五詩清新婉麗煩襟
為灑然也亦留詩壁間仍用其韻為鏤堂一笑

紺碧亭亭午影涼同來共坐贊公株拖條拄杖誰家
去借問山僧有底忙

出處何心煥與涼適來真是兩繩床分司不作埋輪

去虛抱乖崖救火忙

古寺僧殘草木深寶香猶足散煩襟雪窓不到聞猿
句幽鳥還驚恨別心謂漢卿明日北歸

萬事無端起六根蟻旋蜂闕苦紛紛問來莫厭僧窓
話暝坐團蒲到日曛

花木蟬房一徑幽生平奇勝愛窮搜入門便得清涼
界信有人間六月秋

間間公正大二年為慈聖兩宮重修寺碑說寺蓋
夷山之地唐令狐楚愛其奇勝曾居於此塔係唐

新羅僧智照用海船運新羅琉璃甃所建
閒人愛作靜中忙細和新詩步繞廊老衲向人誇水

異一甌春露兩花香

流杯池

九曲彎環碧玉圍錦香吹浪下龍池一觴脩禊宮中
舊正是梨花雪滿枝

太白捫月圖

詩中無敵飲中豪四海飄飄一錦袍千丈醉魂無處
着青山機上月輪高

閨次千秋山圖

五年官守晉州城伐石堙山日有程展放畫圖還憶
得姑山黃葉正經行

李白醉吟圖

長庚風彩月爭輝力士傍無識子儀白壁莫嗟疑有
玷夜郎風物要新詩

題蘭廣寧望海寺詩卷後

同年樂用之為錄二詩贈仁甫縣令

金到明昌事事新粹然一氣變斯文試吟望海樓中

誅轉見飄飄思不羣

遠懷世契密明德邇述先猷極孝心舉世泯然衰俗

裏兩家風誼見來深

紫陽觀雜詩和西溪嚴韻

袖裏丹砂照夜紅市人爭識漢壺翁南都花木春猶

好長在先生杖履中

心安已契長年說道寢能開不二門我亦靜中存夜

氣此身之外欲何存

終日沉迷簿領中乘閒時過紫谿公羽請師莫作功名

看心似浮雲度太空

片言理到釋群疑不待諸生入管窺收却藥籠無箇

事一簾春夢落花知

坐忘不戴遠遊冠是是非非了不干欲識紫陽存養

力一簪玄髮頰浮丹

縕細元氣化雖精起滅漚如一唾輕為問壇邊聽經

鶴人生何苦未忘情

余年齟齬出京師想像繁華夢覺時前日石壇揮麈

屐故宮真似黍離詩

昌黎一序了仙翁六絕西溪意匠雄從此夜牕虛白

滿滌除玄覽見冲融

一壺大地市朝間施藥歸來盡掩關幽睡不知紅日

晚青山誰似白雲間
壞壞槐宮蟻戰空銅駝陌上幾秋風
一身歸潔何難
有人重清時濟物功

宮井七絕

團團鴛鴦露盤秋玉潤砂紅湛碧流
多向內家供頓
後餘甘翻麝入茶甌
野粉侵淫暗添花玉床零亂卧泥沙
羸瓶敗綉初無
擇波及都城十萬家
高梧陰幕掖庭西清比中冷甘比飴
今日道傍塵穢
滿秋娘憔悴渡江時
清時瑤殿引瓶金百尺還聞墜水音
想得日長宮閣
靜玉盤瓊果看浮沉

金屑離離泛曉光
瀛池通氣濕嬰香
六龍不挽清波
去忍給吹脣燕御林

事事宮庭到可珍
我因懷古故來煩
一泓雖在當時
水終似上陽白髮人

行入空宮重嘆嗟
倚天金碧墮塵沙
景陽留在胭脂
井似與都人續夢華

後三絕和西溪韻

武元直雪霽早行圖 謝宣慰

亂峰疊巘玉凌嶒
危樓何人趨早行
似我姑山新道
就神居東掩聽鷄
散野官平時開姑山道甫成
夜雪大作

雪擁天山六月寒
冷雲西北是長安
行人馬上揚鞭

喜猶勝南荒作熱官

侯敬甫四題同西溪賦

吳天報德詩人感說慕終身大舜心舉世靡然衰俗裏一家追遠見來深

怡怡和氣滿春臺天顯曾忘鞠子哀說似升堂興起

客功夫元自孝思來友于堂

德精于身報自豐君家培植見深功友于堂下看株

樹漸與三槐氣象同種德堂

紛紛萬變一心微止水能澄見是非客去妙觀尤有

得滿簾春日靜朝暉清心堂

跋唐申王畫馬圖

內府曾觀鐵筆驄又於此紙得真龍却疑決電奔虹異不到少陵題品中

題劉平妻胡氏殺虎圖

獸猛其如義烈何揮刀峻絕魯陽戈哀哀哭絕東山婦恨入秋空淚謾多

重陽前三日全大季長畢茂先酌七賢祠下

滿眼青山落帽風七賢祠下一樽全雲煙願盼來能幾白髮相看總老翁

蓮社圖

莫恠淵明從遠公鬢絲禪榻偶相同談空說有知多少都在龍眠意匠中

二教玄風盛永嘉後來諸子更紛拏淵明與在東籬

菊獨泛秋香亦自佳

一誕相誇洛郊流傳江左到滔滔杖藜首見淵明

畫裏龍眠意寓高

贈唐縣李縣尹

按部次堯封教官石雲鄉來訪因話縣東
有前鄞尹李君年六十四雖武人性喜學
已卯夏自浙東歸載羣書滿家將遺之子
孫以疇夙志吁可尚也余聞之喜而不寐
明日元旦躍馬來觀出經史子集及未見
書七鉅箱凡千有餘富覽間偶得是詩
以贈謂十室之邑必有忠信者李君
人諱忠字彥德縣人為蔡國公將

事來向王充閱異書

田間炬草照西東止是農家十歲豐不為兩椽茹屋
底白頭還得愛書翁唐之農家元旦然束草於
間視其所便以十秋成

庚辰歲唐縣元日

堯封今歲遇新年欲訪遺風已渺然願效老人三獻
祝至元

天子壽如天

吾皇仁聖邁唐虞寬大恩頒歲首書正擬乘風開濁
浪忽隨疏網漏凡魚

宣和珍禽圖

紫烟阿閣鳳連巢瑤圃飛翔下絳霄踏散木犀花上
露翠襟丹咏不勝嬌

和唐邑教官石雲卿見贈詩韻

自笑鉞刀效至剛
夢中揮箠走群狼
東皇若假春風便
放使諸山草木香
起柳行以尺蠲揮之皆四散而走
又見一豹無首前廢

完州道中

使符按部喜同分
首自行唐入保垠
誰着分司王老子
杏花香裏過今春
是年同出按官韓君美梁韓二簽事大使

過蔡國公第宅

南衙路斷歸時貴
東第堂空設總帷
鉅室顯知神鬼瞰
一簞顏巷未為悲

庚辰歲人日前一日書夢中所見

碧樹翻香滿洞春
一叢長笛隔花聞
似嫌燕語鶯吟

碎暖噴宮音過夢雲

題木蘭廟

廟榜曰孝烈將軍在今完州城東北隅至元庚辰正月十日來謁土人稱昔木蘭戰此得功故廟有熙寧間知軍事河南錢景初題記并所刻樂府古辭

春風奏凱入明光
不願曹郎歸故鄉
今日西山見遺廟
蕙蘭根異死猶香
迷離撲握雜雌雄
萬里持戈此建功
因見漢家征戌重
盡與閭左尚秦風

登完州城樓州是古北平又曰永平即漢曲逆縣地故城在今州東廿五里即高祖

卷二十一
云余行天下見戶口夥繁獨此縣與洛陽
尔故城西南有大垠土倍相傳為陳平墓
土人稱墓曰垠

漢家山東二百州當時繁夥此為尤朝來指顧城樓
上斜日荒煙草樹稠

望郎山有懷却陵川

太行鰲掖東入海鼓鬣高撐霄漢間一自詩仙黃壤
隔風雲空鎖碧峰間

張九元帥哀辭并序

不肖與公既昧平生哀誄有述似涉無從
然聞公幼敦詩禮長識風雲雄畧英姿為
時名將始徇江淮厥績已著及平二王雋

功獨高壽年未遐天遽奪去故作是詩于
以為 國哀而寓天下之所共惜也辭曰

庫海波澄戰血紅歸

朝無幾病籠東異時博史論書法當與將軍死事同
盛說將軍禮度寬訃聞中外不勝酸可能秋月臺前
詔便作悲風易水寒

英姿馳爽戰酣來夢裏神交一喙開弓劔永隨秋草
沒春風吹恨上金臺

一曲鏡歌變八哀扶桑宿霧若為開我雖不識將軍
面苦聽輦聲惜將材

蔡國高勳上將壇九郎又領俊功還遠教零落蛟龍
匣千丈神光失斗間

曲中有候時為顧特見已丘蘊藉姿不似九郎橫槊
裏笑驅風月入新詩

堂堂萬里常山陣首尾橫穿海道空凌屋未圖元帥
像樂歌先奏二王功

前日長歌入滄閔今年埋垠九重泉應冷一段江山
秀再到人間又幾年

劔騎前頭揭認旗風飄笳鼓入雲悲眼中部曲渾依
舊不似樓船入海時

標柱紀功趙漢將臨江觀陣惜奇材更憐一片金陵
月冷送哀聲萬里來

風吹大樹日瀟瀟椎畧無由覩嫫姚暴骨莽如天似
悟不容勲伐蓋東遼

風翻素縵天為慘柳拂朱旗露易乾
水不供門客淚郎山空倚戟友寒

水邊臺榭月邊樓
雨逝虜亡共一立羽扇冷隨秋月
暗銘旗高颺竹煙愁

保下春夜

金臺池館錦幃圍煙柳風荷蕩碧漪
景物縱疎猶可愛盡舡春水放燈時

諺語新年百草靈燕遺襍禮闈多能就
中兩地風光盛東府風為保下燈

題抱陽山張燕公讀書堂在宛州東北廿里

富貴功名恐等閑丈夫臨事節為難
挺然不附姦臣請似覺功夫出此山

書龕高倚抱陽雲萬壑天葩發異芬莫訝相君潛伏
久東封西祀要鴻文
凌閣勲名煥日星豹藏於此貯精英江山萬古風雲
筆未覺前賢畏後生

贈孤月老

明月靈臺到烟如清光元比衆星殊豈知影落千山
底以德看來本不孤
携筇偶入贊公房照眼驪珠夜有光臨水起亭他日
事為渠題作墨君堂為觀蘇黃三公手簡真跡老數幅

祝香保定文廟

泮宮絃誦育多才視作尋常事可哀羣吏近雷閭侃
色正緣文廟講書來

遊張將軍山林

至元十七年二月朔同苟嘉甫尚文蔚遊
保城東張將軍山林置酒松臺因話郝奉
使朱家洲事

亭圮臺傾老樹欹夕陽淡淡鳥飛遲一樽細話朱洲
事天道幽冥未易知

跋雪谷早行圖

壺口山深石徑開六花一夕泥浮埃披圖憶得經行
事夜半盤車下嶺來

題武遂朱君挽章後諱和字信之

簿領微勞到贊襄政圖真見此心良更將一片西湖
水波及奎郎見不亡吏業出身子公奎字君璋

新安道中

長坡極目麥青青
摠是當年鴈鷺汀
二十四橋春水
外野人指示望鵝亭

官舍即事

醪醑點雪柳垂絲
簾映虛庭淑景移
八尺風漪紫藤
滑清和天氣未暄時

題節婦盧氏銘後

節婦墳臺悱陸
南九原不化是貞心
儼然一片松陰
石只與西山共古今

祁陽道中

鶯啼花落已無春
四月田家更可人
雨後老農催種
早風前紅袖採桑頻

行人不為送春忙
一雨千林草木香
馬上綠陰三百
里直看春種到祁陽

一春勸課歷如堦
路入祁陽氣轉愉
夾道錦韉州太
守隔林紅袖趙羅敷

題孝感感聖姑廟壁

分司巡歷帶農官
來禱靈壇為歲寒
一炷寶炷神意
暢祥飈吹下鳳雲冠
仙去清溪事渺茫
女功留在故園桑
春風蘋滿汀洲
綠吹作凌波步韞香

卒歲誰能不製衣
為蚕來禱聖姑祠
何嘗雲葉翻香
兩潤入柔桑綠滿枝

題董左丞墳林

大樹瀟瀟綠滿林，蒼烟埋沒石磷磷。
深兔葵難道無情，物猶學將軍捧日心。

南海揚旂開百越，北風漏網有奔鯢。
多應奪去匆匆，嘆斜日宮中聽鼓聲。

董相墳林南董里，九門東下橐城西。
千年孝繼忠傳，業萬字豐碑看御題。

明皇私語圖

人老逢秋百感催，夜深私語自為媒。
祇知海嶽情緣在，不道生離有馬嵬。

盈盈一水隔双星，不似行雲侍錦幃。
歡樂幾時憂思集，碧梧秋雨待君聽。

秋滿驪山有所思，海棠紅盛鬢華滋。
細思夜半銀蟬

語揔是三郎嫵媚辭

戲題階前玉簪

露影幽香濕畫簾，美人睡起未全忺。
只疑冷墜搔頭玉，月暗雲階欲悞拈。

題郭都水若思祖行實卷後公善推步算
數隱德君子也刑臺

天元章會到玄機，星曆推來一理齊。
襄國至今傳異事，門前鴛水亦曾西。

龍崗拱木秋風老，燕處猶懷隱德尊。
黃極不埋身後數，青雲今見起家孫。

鎮陽新居

行馬門施擁豹，幢德威端稱使君。
堂不應花影潭心

月昨夜分光照客牀一作綠水堂前月綠水海子園堂名
嵇侍中祠在湯陰縣西門外二里

八王雲擾亂中華義士何辜掩戟沙懷惠懦庸猶晉
祚爭教移鼎入牛家
侍中精爽有無間霜葉猶疑血點殷一節見危能授
命陸機回視恐慚顏

沙河道中
昨夜清霜比雪寒彫殘羣木林宜先朝來信馬沙河
道一一風前翠影圓

西門豹祠在豐樂鎮東南一里
古人辦事笑談中長愛西門禁暴功邂逅馬遷稱善
史不應排比滑稽雄

光武廟在鉅野城北十八里堯宇記云其地名壇亭乃帝即位之地也
室袍鎧鳳花紅一體君臣祭祀同前日洛都城下
煙無地認南官

不在龍姿姸變中
文淵上將功雲臺英烈儘爭雄可能抵為椒

滏陽道中
蠶蠶遺塚覆園鏡半是高齊與魏陵千古是非全一
盡墓穰終為路人憎

王化呂仙翁祠
猶炊一枕回繁華能幾暗興衰仙翁祠下無窮
客不道都從夢裏來

題杜郎中二子字說卷後

燕客儀容雲表鳳，紹宗英秀掌中珠。故家正有新詩句，不到徐卿第二雛。
于公憤獄起高門，積德而昌見後昆。正似紫峰遺澤遠，青衫還有讀書孫。

題劉大用書草五手卷

動翹飛自一天眼，中風露發清寒筆。端正有坡仙樂莫作宣和藝本看。

東坡墨戲出新意，八詠復見河陽劉。夢到草堂風露碧，花籬落候虫秋。

格物先須論致知，古人圖史發幽奇。多君夢到周南出幽

澄洽略無私，蟻聚蜂喧任一時。正要至誠相不須臨事涉多疑。

宣和寶石圖九十六葉

雲萬態煥金書，染出湖光照坐隅。不道漢家規制泰山磐石是基圖。

岳廟謝雪偶題

至元十六年十二月廿四日

岩峩觚爵動雲霞，慘淡陰靈黑帝家。恒岳所臨風雨好不須飛石示雄誇。

野老題詩語最工，表余精禱與神通。爐煙散颯雲生野，祝板宣時雪滿空。

偶得二絕寄府尹史子華

離離殘雪點山郊，麥壠埋深不見苗。春在早根泉脉

底淡黃先到綠楊梢

人說中山有父風，父從眉宇得冲融。燈前近閱虞芮案，轉見公明簿領中。謂牧羊地議劄等事

曲陽道中

軟紅沙路柳條風，雪擁陽坡見曉融。細繞嘉山三百過，唐河東北望堯封。

癸未年二月九日雪

東皇且莫認來真，開折花封占好春。一夜雪花深數寸，肯教桃李露精神。

幾日輕陰雨氣氤，凍殘花柳望春溫。不知一夜豐隆意，散作銀沙藥麥根。

冬寒洵過常年節，近春分尚凜然。驀地雲開風日

好暖於南國，賣錫天

大都即事

一資半級到銖分，徃徃超遷越等倫。除目豈徒傷道念，饑寒常有幾千人。

薪如束桂米量珠，二月中旬凍未蘇。笑殺九迂金馬客，半年僵卧聽除書。

創行政效木求魚，例進難於上坂車。會取一陽潛九地，春來葭琯氣舒徐。

燕都萬壽宮有梅一株，每歲移置蔭中。逮春仲方發藏，今年得花滿枝。雖冰姿的皜

香色，髣髴終強顏也。戲題二絕以自況。六僊家有術，解藏春蠟蒂。雖融凍尚皴，若比百門山下。

見強顏還似聽除人

冰姿難倚暖回根人力封培氣始伸
蓓蕾看來雖勉強一枝猶冠漢宮春

時進獻 東宮

即事

無着必須循體例有依便指是人材
區區桃李栽培手恐負東風一例開

朝鐘暮鼓惜蹉跎有例臺除半歲過
不是馬周無伎倆翻來覆去幾常何

都尉王晉卿畫着色山齋圖

坡僊寶墨妙通神都尉丹青要擬倫
欲識淡粧濃抹意髻鬟渾似鏡中人

半生翠繞與珠圍不為槐根夢已非
老去紛華心自

得筆端時到野人扉

惠崇蘆雁圖

雪灘風竹映寒澹水宿雲飛未易雙
不似鴛鴦沙渚暖翠紅相倚聽春江

小桃

小桃開徹淡烟脂不出初春未半時
二月朔風吹石裂依然憔悴簇枯枝

梅粉飄零柳未煙一枝春色獨當軒
今年晴得紅苞拆風雪禁持第幾番

清明節近無旬日桃蕾含芳又幾朝
今日簷前看春色一枝總見褪紅椒

題日者詩卷

侯鯖熊掌味能甜舉世看來意欲燕不似君平安素
履一爐香燼靜垂簾

蔡琰歸漢圖

明妃光寵照龍沙枉說琵琶憶漢家去住兩難心最
苦就中哀怨是胡笳

和劉仲脩見示十首

今歲餘寒過往年東風無奈雪花顛幾時不禁燕臺
酒蹴踏陽春醉十千

野鶴昂藏本不羣剛同秋隼下翔雲近年轉覺謀生
批半仰公田半賣文

舊城行出入新都驛劄堅求硬聽除馬上相逢還自
笑背行今見兩茅廬

老成

生臺

多少開花不識名

列朝班不厭紛紜疎鴛鴦入行分迫年借就袍
笏喜向龍墀拜

聖君

滿帝新詩說遠遷淮西依例在三年若從清議先才
恐不多時又着鞭

先聲光動弩臺春入手行司又一新長託髯兄相照
疎一官同作兩淮人

角霜稜兩劍寒瘴煙都上筆頭乾十年搏擊秋風
裏蜀棧盤空不覺難

月旦評中見壯圖不應齊魯摠真儒別來又爵冰霜

健筆鋒銛似董狐

屋燈清語夜闌一杯長記浣離顏朔風半夜驅車
去詩在寒雲石嶺關

東風剪剪送春寒望望田家惜雨乾無事在家貧亦
好有心行道古來難

虎豹九關圖

九重關鍵錦斑圍蟻虱微言詐可知首闢四門明四
目定書深意見宣尼

春夜獨坐

閃閃寒缸照夜昏眼中時事不容論近來鼠輩欺人
踏碎承塵似馬奔

寒冷似深冬曉日空燒海色紅一樹

伴人憔悴倚東風

梁園節序不相饒正月初旬凍盡消長記東牆微雨
後一枝紅艷杏花嬌

風物淒涼近禁煙敵寒無酒客衣穿楊花揔道多才
思撲亂春衫不當綿

細草根深綠自叢山桃含凍尚能紅垂楊可是寒欺
得半為剗中半蠹虫

鞭石圖

洋海求仙已渺茫又鞭羣石駕飛梁帝功不出仁和
聖固念元來便作狂

檀州門外觀隰河春水

西山諸水頗滄滄合入渾河不自存昨見春水繞泮

處滿川都作濁流奔

二月廿八日端門街觀

乘輿還宮

龍煙日暖紫氤氳春水

回鑾萬馬奔纓杖遠揮清蹕後漢儀光動御天門

麗日紅翻御路沙青山回抱漢宮斜

吾皇遊豫諸侯度縱使都人看翠華一作望

年年原廟薦駕鵝春水秋山例一過安得採時姚右

為

百說湯羅

導鸞旂遠玉輦高

象駕雄賜異不

賢思得

鎮國寺觀迎佛

九曜趨降世聖尊象車香滿綺羅塵人傳此技

中宮製上下雙輪轉十人

漢成帝幸張禹第宅圖

王氏當朝久惡譁幸回天鑒絕萌芽恬然不主天人

斷長恨安昌負漢家孔子曰政事惡譁而善肅出李石博物志

典叔謙太常論書

翩翩每愛太常書安態還同靜女姝儘是淡粧宮閣

樣豈知東抹與西塗

相過閒話味何長字字顏書入品量握手正當吾意

處畫須圓勁體須方

近年書學果誰優說道寥休有悟頭意態偶從駢字

得千金駿馬倚山丘

一段殘槍路偶逢開鑪便作鑄鉚工者看王趙凌雲

來自浯溪慘淡中

鵬雲九萬平原筆望望蘇黃甘下風誰為南唐金剪

手敢將田舍比顏公

篆隸中追三代古風雲重策二王功遺山不見裴旻

帖枉着雲臺詫米雉

雲蛟家廟駭盤拏著作姿容隱畫沙後世若從書法

論混淪磅礴是承家

將軍懷敵銳於虎舍豈能為必勝哉今日遺碑見

筆英姿颯爽漢雲臺

天山飛將指裴旻書到吾顏迥不羣不為策勳

陳至今冠劔氣凌雲

朝叙卑高倒屣冠寓書還等義方彈一絨遺草

蚶千古孤狸照膽寒

檢校秋官祿食韞顏宗收養半紉鰥當時米秉無多

厯李相因書重泰山

小楷東方出右軍丹青難寫是精神孔門弟子多才

藝有若唯能肖聖人

次山歌頌漢文章書到磨崖日並光具眼麈尾曾有

語筆間元氣摠三蒼

蘇寬截耳般姑節詈賊天津是夫凡斷壁幾行移

帖九泉相值死猶生

雜詩

野人家具取官中適用都輸瓦缶功君是荆崑瑚璉
璞得來纔待費磨礪

較量暮四與朝三初不多爭讓愧漸戀戀不成丹闕
夢劍南才了又湖南

夢歸故國蒼茫外春老風冰慘淡中辛苦西臺臺下
栢不成還作柳花空

昨日清明塵障面今朝上巳却晴明老天氣候初無
定敢倚虛名作實行

人家構室要憚憚小木枝撐枋作功汝是連雲棟隆
物得來才費梓人工

萬壽宮芙蓉杏花

三粘瓊露華穠出高枝見化工不着上林春色

底粉香吹滿步虛

滿意春寒強自妍枝無葉更瀟然莫誇百葉玲瓏
巧輸與垂楊護暖煙

活色生香貯好春橫斜燈影似梅君多情唯有東牆
宋夜夜幽窻夢彩雲


開簇生紅滿故枝今朝看處雪離披一春幾日風光
好素影幽香只自知

徽宗畫周靈臺圖

靈沼臺高倚碧霄當時魚鳥被恩饒可能積德千年
久盛世看來僅四朝

徽廟初年布政優丹青揮灑想西周其
后花石細船墊九州
慾橫流

秋澗先生大全文集卷第二十八



秋澗先生大全文集卷第二十九

七言絕句

題武元直畫巢雲曙雪圖

千丈雲巢曙雪寒清談誰似二公間
京師三到凡三見夢繞煙林紫翠間

蒼雪亭為劉參政賦

將軍城市有山林亭下雙松鎖翠陰
一夜雪花來點綴蒼蒼特表歲寒心
蒼雪詩成玉局翁左山題扁取清雄
儵然坐對橫枝處不到東華踏軟紅

過賈左輔墳林

雲陣橫陳賈氏林蒼煙埋沒石麟深
堂堂地下開天

業只聽黃鸝送好音

桃花鷓鴣圖

桃花鷓鴣滿春江
睡暖晴沙夢亦香
何處秋風南去
鴈斷雲寒影不成行

荅楊元甫問


勁於屈鐵無強梗
媚比嬌姝峻潔貞
元甫見詢曾妄
荅筆端流潤自圓生

荅劉少卿顏書之問

仙壇郭廟八關文
襄國濠州半縮分
五帖論來皆具
體就中勁潤是殷君

留別簽事張鵬飛

鵬飛簽事以三詩餞行甚有情致但愧襄



筠林暮雨

共山山下送征驂卓水歸時趁醉題十萬壯夫飄洒
處一燈長記宿筠溪

入定州北門偶得


千雉嚴城鼓角寒當年韓富倚為安後人苦笑書
濡白羽風雲屬將壇

雲林曉汲

家住青林杳靄間瓦鉢乘月汲冷淵山中道士全椒
客煮盡谿頭白石圓

山中雜詩

路回峰轉認山形周折東來似曲肱偶倚斷崖南北
看兩鯨挾輔一龍騰



長風吹雨入山門洗淨埃霾面目真領取封靈相敬
意儘堆空翠待詩人

騎乘藍輿步撏宜雨晴龍首有餘姿興來題破蒼苔

石記我青山獨到時

徐童絕觀曉煙蒼盡得東峰草木香鞍口迤西山更
好惜教無力到禪房

山前三院說中溪蕙帳空來夜鶴悲一片短碑堪晤
語宣尼堂下又搢頤

又題鹿菴與王子襄先生手書後

一代高人王鹿菴幽潛來住百門龕詩駉藥竈當時
支政有先生德不斲

劉齊王讀書堂 在阜城北墻下

當年齊相讀書堂此日金華表佛幢碧色尚餘書帶
草綺疏猶是聚螢牕

平原縣有懷顏太師忠節

羯奴獵火九州空平地孤城與抗雄十七郡兵同日
集奮從吾守倡孤忠

紀右脅誌文

昔相工謂王欽若貌異當貴或云鼻斜何

如曰他日作相自正後果然予右脅有文
紅誌一黑子狀成斗又其黑子終非同色

又遠而不應曲詰至元廿年二月廿一日

因浴出見一紅誌忽生其下遂足成豹狀
吁亦異哉因書此以紀其生發月日云

勝間素有七星文黑謀權約遠且昏忽出一星為補
正隱然高起更紅温

讀老泉先生審勢審敵二篇

清時無故厲兵刑審勢雖深象目驚轉首翠筆空
去老泉幾策見宋明

二虜先頃一掃清萬方然後論并平周文未免昆夷
患却訝先生以筆爭

赴任濟南前次黃崗作

征車輓輓二旬間泥雨長途備阻艱行近黃崗都忘
却一峰金翠得華山
今年東赴濟南行帶雨拖泥二十程只為此身饑凍
迫幾回辛苦歎勞生

過濟河縣北晏嬰城

一製狐裘四十年當時功烈管差有細思歎對雀門
語又見臨機勝趙宣

三士軀生死二桃善謀誰似晏卿豪朝來采邑城
東路欲訪林仁掛佩刀

濟河道中

今稱為育河蓋偶忘點水耳地名取齊
後漢取會破張布於此

故名

甲子東遊入泰安封壇日觀總躋攀誰知二十年來
後却向齊西看泰山

匡山

匡山說有舊茅廬李白當年此讀書嵐氣死如
吟醉重野雲時學簡編舒

公堂

鳧史前頭擁簿書，午衙急散日停晡。
南山翠倚公堂上，終日相看有若無。

九日登歷下亭

當年歷下富村賢，李杜文章兩謫仙。
此日風流俱不見，秋煙空濕採菱船。

周文矩雷劍化龍圖

圖底幽光見斗間，張華腰領不勝寒。
躍淵又作雙龍去，在晉當為變怪看。
飛躍陶梭化葛筇，潛飛無跡與神通。
投圖勸迓平事，又在雷公劍室中。

右軍書扇圖

偶愛蒲葵扇，影寒拈將揮。洒動雲煙情，知龍躍天門。
筆肯與兒童調百錢。

王謝當年奕世豪，東山清興更滔滔。
不應經略中興志，留在書名與日高。

春閨怨

花落閒庭燕語新，東風吹夢濕行塵。
就中最是關情處，一寸春光爛錦文。

甲申門帖子

一卮春酒酌門扉，入手新年所事宜。
却愧白頭官舍底，苦無明略佐明時。

偶書

人無定志何從好，事到難量尚口行。
一理縱能消百

妄物情其奈正逢迎

周文矩勘書圖

宮槐陰合玉堂清書葉翻香入細聽內苑近來游
少太平天子要傳經
鈴索無聲到玉除一時人物在瀛壺細看簪蓋翻經
處當日安知不有吾
花壓欄干淑景移一枰閒煞玉堂碁日長政有
樂未礙從容下直遲

周昉畫揚妃禁齒圖

海棠春睡儘紅嬌苦嚼三郎厭早朝人到愛深無
捧心顰蹙更妖嬈

題張季雲先生山莊圖

儒將風流素所期兒時幾讀齊

後喜對張卿賦此詩

却馬蟻居是素懷莫嗟終老未曾諧天

氣散作恩威震兩淮

思長本與風雲會山迥空園水竹幽說似

望遠封勲業在徐州

公與徐州帥牙吾答相得甚驩官幕府

至蔡改吏部郎中死沛縣牙吾答即盧國瑞也

樓居春望圖

翠斂雙娥底事愁不緣春去落花稠歸鞍未得朝天
信望斷東風燕子樓

徐熙折枝果圖

紫陌春風窈窕歌，昇平花果夢宣和。寫生忽見徐卿畫，碧爛紅鮮發興多。

後庭新唱滿深宮，已覺金陵王氣空。畫手忍將亡國淚，筆端秋實染春紅。

趙大年雪霽聚禽圖

風雪龍沙萬里行，當時先兆見丹青。不然紈綺豪華習，滿意荒寒落鴈汀。

點綴煙林意儘妍，沙洲鳧鴈見荒寒。君看小景都盈尺，展放江湖萬里寬。

又題美人却扇圖

饋蘋繁女所思春，風何意醉墮枝。畫家解寫

不見樊姬脫珥時

大禹泣辜圖

真淳氣散下復古，科條漸似秋荼深。道逢胥靡連泗泣，灼見當時罪已心。

陶潛夏居圖

徽宗筆杜

襟懷蕭傲羲皇上，晉宋興亡筆削中。千古此心誰會得，岷然時有北窗風。

吾廬瀟灑風煙外，詩思扶疎樹影中。典午廢來何限事，五株楊柳自春風。

庭樹交柯綠蔭濃，欣然忘却草堂空。更憐伎稷懷新處，漠漠平疇迤遠風。

題李伯時畫陽關圖

霍清甫篆

晚唐聲教限羗戎才唱陽關慘意濃遠節每矜殷侑
壯略無離別可憐容

別淚重於煙柳兩離愁長似玉關程就中儘是銷魂
處不待聽歌第四聲

題梵隆古畫雅集圖

蘇內府畫上有細
今為霍清甫家藏

龍章紅爛紹興文入手休驚玉盤新奎壁細看輝映

處半為元祐黨中人不第二句一作內府芸香祕幾春

題杜莘老春融秀嶺圖

三分春事二分空料峭寒生破曉風今日簷前天色

好山嵐全似卷中融甲申春

題李龍眠畫九歌圖

不志君死即休脩辭空說

遊歷山南寺園題其壁

暖煙散處只空崖俯瞰城居亦壯哉寸

出不容濯濯嘆無材

江貫道畫江山萬里圖

抖擻衣塵整芴冠頭頭終日簿書間何時一

裏飽看江南萬里山

繁杏錦鳩圖

繁杏梢頭淑景新錦鳩呼雨雨初勻儘堪活色生香

裏擁頭雙栖過一春

過青崖山

上有圓室幾頃餘上有老巖公手
排今為大林麓矣

鵲巢東下望青崖武惠當年幾往來欲說雄圖中寂

重至今東魯號多才

一作欲
真蒼煙深處
話霸國應
臺

過道郎寄時伯威泰安教授名震

宗回望漸微茫空翠隨人過道郎三日魯瞻亭上

一樽風味詎能忘

題山谷家乘後

初看喜小康宜州天氣固難量一壺醉倒狎柯

古南樓飲恨長

宿東平南衙

曾預幕中籌白首重來却似絳園春睡

聲鷓鴣五更頭

黃石公祠雜詩

指談山頭

祠南翠阜重

都在先生指授中

邑彬彬富碩儒山川英氣未嘗盡須苦泥

夜半重來覓素書

東阿前金
清鄉俸華鄉已
自張萬公高子
下進士第者二

此老當年一隱淪後稱黃石倪疑神野人莫詫山間

事洞穴無情草自春

謂黃山洞穴也

良授書來知益奇一時籌策係安危楚人不逐哀歌

散白首空懷抱石悲

千古陳言雜偽真丹青難寫是精神護軍史筆端如

畫地上風雲逐日新

今古文章不自工後人公論見清雄壁間細閱題詩
客笑煞騰騰兀兀翁黃石祠有詩云天其既與赤帝
老後復日兀兀翁騰騰老蓋揚紫陽也兀兀翁揚
飛卿也二公相為已詩者數年遠山聞之曰詩
則非佳爭之意甚可為一噱也

郭將軍巨廟在肥城縣西水里村南山上
土人云巨掌趨熟來此欲瘞其子於村傍
果然余以謂孝忍者也

家窶時供菽水難豈堪孫息共盤餐生理設若全純
孝不念將慈變忍端

水里山頭郭巨祠歲時香火野人思反哺因羨慈烏
鳥斜日婦飛滿樹枝一作啞啞却羨慈烏鳥

繼司毅夫韻題野堂壁毅夫名七

郊居靜有耽書樂客至都忘憊歲災喜向壁間留語
去草堂樽酒記曾來

眼中故友三年別霜後春桑一例父暫解歲憂談士
樂馬頭遙指野莊來

武惠公故里在長清西五十里
今稱嶺里者是也

鵲里西連武惠林蒼煙埋沒石麟深固應千古桓公
葉長聽黃鸝送好音

遊百家巖雜詩

月池懸溜落蒼崖岩竇分居可百家不羨碧瀾秋色
好倚天驚絕赤城霞

龍鬚草細雪婆娑石樹碧玉窩欲訪鍛爐懷舊

隱老僧指示隔煙蘿

山居最苦水泉慳明月池深湧碧瀾寺仰以清山藉
潤細教螭口瀉高寒

山煙起處竹林蒼白鹿崑高半夕陽長嘯至為鸞鳳
去公和當冠七賢堂

玄髓丹書兩遇難碧山猶說有仙壇千年留在秘康
恨石上清風漠漠寒

亂山合遶排青闥細路縈紆走白蛇十里風煙吟醉
底柘園莊北日初斜

清醕蒸杭戶戶香百門山下喜初嘗太平有象豐年
是翠竹梢頭看簸揚

往蘇門半月過青帘巷
酒當歡不樂何

摠
窩寓形宇內知能

十月山陽黃落秋陡寒風色嫵貂裘蹉跎非泥林婆

酒更為諸賢一日留
晉隱祠邊落照紅自來伐木竹林中且休輕議前賢

葦自執牙籌笑阿戎
王烈清泉在碧巔當時瓢飲致高年情知泥髓能充

腹空使人間作笑傳
題朱孝子詩卷

道傍積土作高標存歿中間慰寂寥見說一方多錫
類秋風惡木變鳴梟

中古識封高四尺朱生覆簣到三尋所憐衰俗類波
裏能見終喪不匱心

門閭旌異對堂封春在林墟洩樂中白首已慚朱子

孝荒阡望入漢堤東

子家三代祖塋夾堤東四相塋凡三處

長至日同李靖伯過高仁甫新居即事

禮義為方邑不多處心極厚已燒訛首從吾輩家風

異其柰間閭鄙俗何

藩籬限隔苦無多徹去寬於四海和昨晚杖歸心適

喜樂於常棣燕時歌

中唐一席間維藩隱眼高於嶺嶂噴愛煞西家高老

子晚紗能暖鷓鴣寒

讀明皇雜事

西內淒涼慘落暉高將軍去事尤危起居聽徹公卿

表淚拭龍袍祗自悲

元日門帖子

堂落有成未思遠慰歲時

近逢季主親

構新年儘笑聲

雖關覺累輕開心有味勝時榮不妨鄉社浮沉

一曲酣歌樂太平

跋醉道士圖

頭傾盡玉雙瓶已醉猶醒百態生若問一中中所

樂醉鄉日月自昇平

跋塔間圖

乞食歸來意有餘豈知內子涕沾襦相逢半是塔間

容底用經營畫作圖

跋理宗題馬麟畫折枝木犀圖

花中神品趙昌師又向臣麟見折枝不惜一天風露

潤百杯樓晚要新詩

跋醉漁父圖

浪急舟輕任自由得魚歸去博新菊醉來首訛靈均
語獨速煙蓑笑不休

題卜者詩卷

卜筮精微未易通靜能知遠要深功裹糧去訪賢師
友喜為題詩送易東

跋微宗畫百鷺圖

草蒲宮池漲碧淵日長靈囿鼓咽咽轉頭百有于飛
地漠漠蒼煙是野田

淺淺溪流碧玉汀風標呈處摠真情圖回不到靈臺
辨與樊川詫晚晴

西伯池臺白鳥多二南風化到雍和慕羶只辨丹青
了創守其如宗祖何

乙酉元日門帖子

莫認時榮真福順休從勢利論人情願將風日輝輝
氣散作豐年笑樂聲

題德長老夢齡圖

高情千古一坡仙夢入西堂豈偶然只著吾家公案
論嗜心將至有開先

脩齡親說夢中傳寫出梅花樹下禪更愛鹿菴人品
峻不隨王道作周旋鹿菴云關利說齋

露堂夏日即事

日長人在露堂間何物相看慰我顏碧澗方池湖水

滿一峰蒼翠出君山

題遺山先生手書雜詩後 河澗王成之收

文鍵親承警效餘又從珠璧見遺書常疑落落江山
筆不放奎光到玉除

江鄉雪景圖

勢利嬰兒百尺竿雲臺爭似釣臺間料應蓬底秋江
夢不到君王物色間

秋江待渡圖

楓林沙步夕陽蒼一棹秋煙待野航江上西風晚多
急行人歸路不須忙

寒林圖

溪山一雪自幽深都付騷人入苦吟最是畫工留意

端瀟灑萃寒林

題水牯圖

姚黃魏紫動遊觀何似田家黑牡丹萬有困倉由尔
出論功消得畫圖看

秋山訪友圖

瀟瀟楓葉映青山詩在風煙紫翠間早晚得歸林下
去一溪秋水伴君閒

闕時石樓連佛屋灘橫六節走青伊杖藜多是香山
老斜日青山獨徃時

讀後漢西域傳論

世外鴻荒古罕聞角端人語烏椎尊縱橫寂愛宣城
筆理絕人區略不論

角端獸名極壯大能諸國語

題樂天不能忘情圖

駱馬悲鳴頓玉珂
停杯重聽柳枝歌
做成一段閒公案
轉覺香山長物多

揚柳新聲滿洛陽
樽前風味老難忘
筆端拈出新詩句
似為樊姬作嫁裝

韓白二公老境

日月閒心要破除
香山晚節亦區區
藏詩葺寺皆餘事
猶勝昌黎聚博徒

藉也胡為勸著書
要將斯道濟時須
情知千古潮陽筆
肯作分章摘句儒

太一宮四絕

華表人歸鶴未來
空從雲氣望蓬萊
西

猶記中和手自栽

露濕庭松偃蓋青
一聲幽磬隔疎櫺
多應金簡朝元罷
自炷爐香讀道經

庭樹蕭蕭綠滿廊
日長深鎖碧窗涼
隔簾遙見秋來處
一葉輕黃墮井床

漠漠陰風轉石壇
長廊踏破碧苔寒
呼童徹放松扉鑰
看罷梅花問竹安

倚竹圖

天寒翠袖儘輕盈
暮倚湘筠思不勝
何異澗阿幽隱士
長材空抱乏賓興

遊龍門雜詩一十首共西山名

山到龍門勢轉奇
千巖軒豁射朝曦
從教馬足徐徐

進正是山紅澗碧時

百丈瑤泓湛碧崖杖藜不到是空迴諸人也解詩人
樂挽葛攀藤一例來

龍門形勝自天開細瀉銀河灑碧崖老我世間塵土
夢百年能得幾回來

直上危巔弄瀑流空濛飛洒翠雲裘看來潭面無纖
翳人道龍泓似炭湫

冷泉飛下碧峰尖蛟杼綃長萬縷織却為夜潭霜月
苦山靈長下水精簾

龍門峽束石嶙峋只有懸流寂可人才到寺臺心已
喜竹梢明處拖天紳

上題詩石上休劉郎勸酒薛郎謳竒探不識風雷

若比潮陽更款留

舍策上稜層醉裏陳州羨不勝玄極近南雖峻
絕似君筋力尚能登

惜登危馬力微歸時風袖喜披披紫煙暖藉青鞋
坂下蒼陁不覺疲

山喜詩人作晚粧野煙不幻碧峰蒼婆娑醉藉橫坡
草更為山英倒一觴

筠溪軒留題

山川明秀在共西人問其中幾杖藜三十年間還默
數青燈兩度宿筠溪

筠溪溪上好風煙又向幽人借榻眠欲就龕燈尋道
話却成尊酒醉留連

題天慶觀壁

至人心孔有天遊何似歸潛德日休千尺澗松終自
老一菴閒地且相留
擾擾城居足是非靜觀秋水物空齊近年豁盡爭衡
氣則看虛窻日影西
春畦綠滿桔槔閒吟眺高城有往還不着神光牛背
上時來支笏看西山
闌闌都來掌許中白頭相會幾人同時將一棹如冰
酒傾瀉春風滿太空

題史仲威脩鄧州文廟詩卷

禮殿修完到大成仲威一日得嘉聲却怜吾郡資庠
地二十年來斷不行

題歲寒齋

松柏青青貫四時木中推重為幽婆史君特用為齋
榜要見貞心老不移

題東坡手簡

文章大節中所立海岳英靈未易招只為峻高人競
仰有時秦吉作鸚鵡

題山谷手簡

書學推公果若何紆餘全似右軍鵝兩行醉墨南樓
帖一字千金未足多

寄楊參政

紅藥塔前露氣新五花行判舊經綸除章莫厭鈞陶
細散在人間是好春

閑中何物慰窮愁細把調元入校讎
勘破漢中三策意忍從刀筆論
鄼侯

謝太傅奕棋圖

勝負胷中料已明又從堂上出奇兵
怡然一笑文楸裏未礙東山是矯情

秋澗先生大全文集卷三十九

秋澗先生大全文集卷第三十
七言絕句

題蘭氏三桂堂字說手卷

當年山斗仰蘭公此日開封有父風
着眼讀書堂下去又看三桂發春紅
一作放

題玉局公所畫竹石秋壑家藏

此老何心作此君一枝中發錦江春
無窮露葉烟梢意散作先生百億身

関河形勢圖

関河百二控秦頭滿目斜陽獨倚樓
設險守邦須尚德每多吳起說文侯
秦川展掌華山高千古関河締構牢
早晚去施通濟

手浮航如畫鎖驚濤

壓閣樓上醉憑欄一片黃流入斷山伎索此強俱寂
冥山河空鎖夕陽閑

解鞍圖

川流縈帶燒痕青
萬帳風烟扈漢營
長記散軍如射
罷丹青圖上看升平

瀟瀟牙帳野河春
羽獵歸來日未曛
展放畫圖還記
得二年鞍馬過牛群

高空雲迥射鵬還
細草平沙困解鞍
醉裏清寒將夢
去春風吹雪點旗竿

題黃門飛鞚圖

金錯盤陀絡玉鞵
春風飛影下瑤池
丹青明見臚傳

意花柳深宮燕八姨

年年十月幸溫湯
詔給辭臣半驕驕
寂見流雲瀟灑
處津陽春色曉蒼蒼

讀唐武后盟紀

秋日花開未足災
有人無可摘黃臺
瑣間辦着青娥
笑爭指朝堂鬼朴來

讀狄梁公傳

魚鱉霑恩徧九垓
鳳池春色接寫臺
敝袍不染梁公
血辨作幽囚一聚埃

二馬圖

振鬣長鳴萬馬瘖
肯教閑損絡頭金
多應縱駕華清
去飛過宮前御柳陰

讀富鄭公傳

奉詔東來止國門，悔將威克動嚴宸。繞爐不合終宵眼，六丈方知是聖人。

玉堂閑適圖

醉岸烏紗殿影東，宮花低映酒波紅。血來草罷長楊賦，独占高槐洒晚風。

淵明漉酒圖

此圖以氣象筆法較之，恐是王雲筆也。雲秦人意，匠多偉麗而少雍容。余嘗觀斬蛟及內殿橫吹等圖，故敢指此殆雲之筆也。然近代以來，如雲之工者亦不可多得云。
秋澗老人王惲序

牀頭新釀漉來空，清濁君看固不同。門外微車揮已去，秋香籬落醉西風。

紛紛葛屨雜華纓，何物衣冠可重輕。莫若脫來還漉酒，一杯時復聖之清。

秫田一粒不露唇，長恐春醪負此巾。儘着輕紗渾溼却，尤勝憔悴滌京塵。

傅雲時鳥日從容，長在先生醉眼中。劉宋禪來非一事，五株揚柳自春風。

蒲輪遠聘亦醜恩，處士雖微實晉臣。常愛紫陽書法當不教輕染寄奴塵。

莊宗橫吹圖

郭相西征奏凱還，阿嬌歡寵鏡交鸞。却嫌暖殿春

風燠玉管橫翻曉吹寒
霸業艱難百戰開侈心何苦溺優俳豈知兩部仙韶
器揔是君王火葬材

繼周南樂見寄嚴韻

長慶詞人與寄長當時元白闔軒昂江山正有潮陽

筆千古詩壇自一行一作效鶴頭早解教老嫗能通曉留

與香山作馬行

莫嗟朝鏡鬢毛霜揔道寒花晚節昌一級散官增正

七三升春酒醉公堂

郊亭秋月

水天上下月微茫冷浸郊亭夜色蒼我欲去尋幽隱
客一天風露靜琴張

括諸山水勢兩分

異北諸山水兩分山西流注會龍門春東衆壑歸幽
野號作桑乾入海奔

復作詩以贊之

取方引據說空繁到底終無一定言變殺九峰真具
眼高空直下看中原

寄馬左丞子卿

士連察判行求先容不敢書謹以亂道二
章聊代起居之問且奉一縑云

治道元來有本根聚精都在鳳池春近因拈出中堂
記滿眼經綸半魯人
一別春坊歲五過向來心事總蹉跎遙怜紅藥塔前

露霑弓筇於意最多

學圃亭

崔君隱德老譚經俯仰乾坤一算亭莫為處心親細
事正宜烹煮削蕪菁

拈掉上下任畦丁春韭秋蔬用不勝若向邵生親問

訊瓜田風味勝東陵

明農致事孫周宰抱甕澆畦說漢陰兩事若論為拙

計空拳搏虎更何心

庾郎三韭種來青鄭老秋瓜結已成食肉飯蔬元有

分不應空恋五侯鯖鄭老為瓜州刺史審也

東鄰近接香山里南泖今稱處士涯活計看來元不

惡自鋤明月種梅花

題紅葉扇頭

故宮秋色醉來鮮
浥露吟風雜暮蟬
折得不浮流水
去一枝留伴月中仙

深宮不禁水東流
賦就幽情孰與酬
紅露滿山秋正
好等閑休上建章樓

今年火盛若為攻
彤彤西風一掃空
忽見扇頭紅錦
色上陽秋意滿吳宮

雅歌一十二首并序

雅歌者為丞相武公作也公經略河南之
三年有

詔士計行臺時權臣承制威震中外
拭吻磨牙婪婪橫噬凡可以中傷羣辟者靡

不畢至公以大忠至謹乃心

王室鉉衆人之責為已責以天下之憂為已憂雖困於歧蹙一身利害略不為恤也蓋欲俾朝廷上存公怒下不失民心為重其大節有如此者竟能感格

帝心恩終簡在自非精忠貫日其孰能與於此哉所謂臨大事處大變而后見其真將真相之度焉因追作雅歌一十五章庶幾流播斯美使後人頌而歌之顧望若神人然其辭曰

讀來黃卷有深功都見平時日用中朝下引車常慕蘭行間拔士每知象

陰闔陽開制撓司諸人何與到傾危微臣有罪天王聖不患朝廷遠不知

袞冕桓圭極品榮校來得失一毫輕空搏馬接囊珠謗終見汾陽貫日誠

天蓄雷風未動威衽衽遵渚歎鴻飛見知正賴龍潛帝躬鼓歸來有袞衣

萬馬瀟瀟入漢巴行臺東下控中華方思霖雨頌賢相豈特春風動虎牙

萋菲方成具錦裘睿思熒惑若為開天教中令心如日几几俄瞻赤鳥來

品彙流形共化權歲寒都到老松邊欺殘太古陰崖雪始信貞心老更堅

儀比鳶凰重比山功高心小古爲艱平生幹當江南
事事了身名兩不閑
羣飛鍛翻入置羅棘上青蠅訝許多良玉儘禁三試
火周人坐構百外歌
尤則憑凌懦則摧秋霜中烈外低徊虎臣利有回
天力更着關兒與孽媒
拓境每憂王土窄息有患寺方休生平戀闕丹心
在風雨何傷一葉秋
身任安危五十年老臣懷抱若爲宣始終正有汾陽
夢不到江湖范蠡舡
長圍破蔡仁聲著積穀吞吳策畫深三十年來分閩
地智名功勇惚無心

長憶中堂掌固初宛陪高步在亨衢百官禮絕真除
日門閣蕭然一事無

釣魚山下護龍旂番塚江邊奏凱歸一馬二僮東下
日路人拭目認征衣

丁亥歲門帖子

坐賈謀生計已癡歸田無力理耕縻一家風雪渾閑
事四海豐穰是素期

汴梁故宮寒食

人家賣酒繞宮池爭插青旗曲作圍簫鼓漸多寒食
近一搏先爲典春衣

熙春閣

禁閣當年燕御頻鼎烟未盡慘兵塵土塔三尺節次

底人自熙熙物自春

倚竹圖

錦字挑香翠易鬢一枝脩竹立湘裙定情正在冰霜
操下到琴臺日暮雲
粉香沾袖怯輕寒都着幽情寄竹間多是楚山湘水
怨不應空待賣珠還

已丑歲門帖子

大郎赴部應求叙老子傳心要醉經二事儻能如所
願一家編簡有餘青
韓生寤寐春秋學陳孺薰醢室訓文磨礪童孫能寸
進一家春色看祥雲

題頭宗墨竹

撫軍睿思到湖文筆底秋筠見本根絕似承華攔檻
看露梢烟葉認龍孫

堯民圖

日出漁佃日夕歌蠶衣耕食樂天和細思歷象星辰
外帝力於人更有何

已丑五月十五日過王氏祠堂

兩軒梅竹足興衰親見春山手白叢前日問安人不
見翻翻風葉送愁來

兩世規模有遠圖轉頭庭樹影扶疎碩瞻阿大中郎
筆信蒼嵇公德未孤

巢父飲牛圖

濁泥常恐汚吾牛特地駭來飲碧流縱使許由辭位

去汙顏終是對宸旒
耕田鑿井不知勞長恐逃名未得逃
最喜帝堯平治
事一犁春雨滿江皋
微庸禪讓兩無心
駢飲時過碧澗潺
若見後人牛傳
事入山唯恐不幽深
舜授堯傳兩不聞
寂伶牛力晚來新
一鞭了却東皋
事類水箕山分外春
若訝箕山易所操
雖辭堯讓匪吾曹
桐江江上垂綸
客一樣清風千古高

清明后二日南庄拜掃回偶占

寒食人家節已過
秋千猶在院東坡
今年春日光風
好拜掃
歸來笑語多

野叟爭求醉筆新
因書聊歇
杯頰勸農說有新冠
蓋要識君侯是老親

送葬挽歌

高墳樵蕘沒荒草
白楊風悲和鬼歎
人生到此是徹
頭一例灰塵無醜好
祖筵絲徹哀號起
萋柳多儀殯萬里
向來送者各還
家冥冥独卧黃泉底
人世何短白髮多
駒隙光陰不奈何
才見春風吹草
綠又看庭樹葉辭柯
人命輕微如薤露
百年歡樂能幾度
森森鬼伯若來
催相將共入黃壚去

哭聲交慘蕭蕭咽
樹架增嚴縞素餘
昨夜高堂猶暖

熟今宵荒野恨何如

相將執紼送華輶
母子恩深哭不休
報德不銷埋石
痛低空還有斷雲愁

方相擊凶魂擲馬
閭里親知滿中野
只知哀挽送行人
相看誰是長年者

細君推氏哀辭

神情減自女軍捐
病後支持又八年
最著老懷悲悼
死猶知惜盡義錢

性姿貞靜伯姬恭
四十三年好夢空
一闕夜臺無復
見悲聲留在白楊風

歛來三夜夢平生
明說先姑已待行
喪祔有無能戚
了何須易治太經營

中堂北隩挂殘魂
恋恋情思在子孫
奉祀更當嚴在
日忍令哭臨限朝昏

水西原上有新塋
三世親喪力助成
一旦夢隨
先妣去有知當慰未忘情

綵過彌誕無旬月
遽變辭容只兩朝
室醫暗晉崑菊
細黛蛾空見遠山遙

營葺貧家藹有業
百年心事憶同牢
空餘深夜回溪
月獨見凌波采澗毛

六十難爲大折悲
百年借老是同期
篋衣滿意遺薌
在空結纓襦九十儀

病倚中房望大兒
娟娟心目已難支
豚腫帳影魂衣
閨腸新燈前擁髻時
暗用通德悲野田荒草事

去年扶病上新塋歌管杯盤水曲亭今日重來人不見杏花零落柳條青

素棺已蓋鋪丹旒舊物難窺瘞玉臺冉冉縱隨仙馭去姍姍猶憶夢中來

將持仲子庶同嫡主葦食家儉作豐存歿較來無少憚正緣余厄致終凶

恩榮頗浹魚軒貴祿食同霑石窆因忍死最怜相叩問六旬之上有餘年

舒徐委悅澣餘衣能盡桃夭灼灼宜四十三年中饋地儼然宗祖饗多儀

團團香火坐庭闈欲話平生氣已微生死慮來真大事幾回含笑說先歸

逝水碧縈長寢地畫簾香黯送時車閑窓不待粧奩感遺恨空存禱嶽書

百年同穴是同期一病彌留秋草萎垂老境中成死別九泉相見話真知

緡錢及冷遇黃昏閃閃寒缸閉閣門只有此生來夢裏幾迴含泣認離魂

健婦治家勝丈夫維君真与健同符半生黽勉公家事一米私門不類吾

勸余過飲省文思切戒無多酒後辭翁媪老來惟我尔百年門戶要扶持

蘭枯蕙槁不禁風一夕吹香入殯官把酒試澆橋下水不容將恨到湘東

當餐愁對齊眉案，片屋空留復魄衣。誰遣兩行知已
淚，浪浪併向老來揮。
薦繁人去露堂空，內助功多想肅雍。說似老莊休鼓
缶，固無形氣柰情鍾。
壺漿朝奠愴蒿蕪，煮露溫衰衣。半淡痕，每囑兒童莫歸
早水邊，恐有未招魂。
忘懷無似老莊盆，便作何知委路塵。詩到悼亡能自
釋，情文相稱是安仁。
祔殯親遷葬，百泉父謀銘。誄入瑤鑿君須少，候無多
恨行見貞珉表墓前。
長筵拜慶諸姬上，隨宦名邦二紀間。秋入池臺芳徑
歇，春歸庭院落花閑。

行來古禮不多難，含歛明威淚滴潸。莫訝初終無佛
事，此心求在有无間。

衣衾棺槨無遺憾，親戚悲哀有至情。二十三年庚子
月，西河原上奠先塋。

李早蕃馬圖

群奔角壯住郊垌，已入竿頭莫力爭。惜取蹄間三丈
逸，望雲秋計鐵山程。

跋藍閔圖

潮陽英氣凜中天，愁絕南荒瘴海烟。不道生還陰有
相，自陳哀表亦堪憐。

晚風吹雪下閩頭，點綴行人去國愁。展盡畫圖還自
惜，七閩南下即潮州。

題趙克敬遺安亭

襄陽苦節說龐公趙氏貽謀意與同肯羨東隣驥榮
貴轉頭歌舞畫堂空

趙生卓爾見青衿及長行身稱克欽爲問遺安安所
止一家鴻鵠住高林

題張氏致樂堂

生前救水儘餘歡身後追思世所難誰似考城張孝
子至今供具索盤餐

刻楠丹楹燕寢新食前方丈處華烟一杯不及慈顏
樂負米終慚李路貧

壽萱亭

葵丘張氏孝無遺終歲承顏着彩衣入戶儂然親不

見一簾風月澹春輝

凱風吹棘棘心柔罔極恩深痛莫疇不羨潘與花滿
縣一枝金鳳儘忘憂

潘店早發

一鞭行色旣闕道過處人多說險夷忠義此心能自
信風波前路不須疑

儀封

三代漸民道義深抱關疇匪大賢心披雲繞遂瞻依
願便解天教振鐸音

睢州道中

馳傳北經梁孝苑垂鞭東過宋襄城征人折盡隋堤
柳風捲枯蓬逐馬行

汴堤

近自汴州開夾道遠連淮甸卧長虹若論往返行人
便道在勞民却有功

寧陵縣早發

殘缸斜照耿孤懷夜久吟餘氣頗諧
睡暖不知霜力重起看梧葉滿庭階

蕭相國廟

海寓清澄入帝圖忍將牛渴飲泥汚
不思世教從中降得約秦苛意儘都

聞畸人話芒碭山事

芒碭山遠鬱蒼蒼斷口雲連十里長
兩段素蛇今化石至今神異說高皇

望碭山縣有感

裴劉起義晉陽宮三百年來立國雄
一旦剪夷無噍類厲階誰想在全忠

宿州道中

辟寒須酒多難飲數墩前征覺馬行前去維揚猶七
百黃雲裹草宿州城

樓子店道中

汴溝已是荒亡跡湖石重開拘亂基
徽煬較來同一病九泉相見不相嗤

敗盟無策更開邊方石移來起艮山
天意故遺亡國恨兩堤秋草卧孱顏

虹縣道中度長直溝

望入綏寧接楚雲
老婆山遠界溝鄰
小河河上淮東地
萬頃黃蘆不見人

渡江

生平夢寐瓜州渡
此日風煙指顧間
却恨中流風浪惡
堆觀應欠土金山

潤州甘露寺達為大焚掃地

望空北顧無雙寺
行入西津第一州
江影隔山搖素練
行雲和夢瑣朱樓

桃源圖 劉君卿索賦

淵明既號葛天民
流水桃花到處春
明見筆端閑寓興
武陵休若端漁人
東來連舸泛長湖
兩鬢冰霜儘瘁癯
偶值漁郎心已

媿更堪三復武陵圖

浙西到處武陵溪
稍涉幽深路便迷
始信避秦元寓說
淵明遺世厭羈栖

虎丘寺

真娘誰為惜
娉婷李白題詩在竹亭
洗鷓班金縷
盃細烹泉眼
較中冷

姑蘇館夜雨

吳亡越霸兩蝸爭
胡吹翻江恨未平
一夜不眠思往事
姑蘇臺下雨連明

宿寒山寺

借榻僧窓夜氣清
梅花香細燭花明
鐘聲不取唐人例
一覺安眠徹五更

伏生授書圖

遺書仄冷散飛煙老喙重宣即粲然三策竟從名數
說穎川方寸殆虛傳

題醉隱墨竹

清溪映竹竹連雲冉冉晴梢醉墨新却為歲寒心事
香煖烟濃淡要橫陳
露梢風葉喜晴春醉掃吟看卧竹根欲見此君生意
盛滿川煙雨半龍孫

西湖

一湖碧水山三面滿眼樓臺堰一條只為近年荒廢
父花無容色竹無慘

飛來峰

西湖廢撤無多景靈隱莊嚴有勝幽扶杖冷泉亭上
看日斜猶為此山留

靈隱寺

山綠松竹煙光潤寺倚峰竒地位雄凭檻忽驚靈鷲
上世間真有化人宮
旋開僧牖觀山罷閑逐遊人看寺迎買得兩錢乾菓
子步穿經洞引猿來

錢塘

噫流無壯浙江潮刀削銀塘甃石牢三十里長九兩
用既防崖路障鷺濤

錢塘西岸

市接接望無三里嶺嶂回環自一川曉日人家炊爨

罷竹籬香滿碧松烟

人家邱閣絡江臯十室看來四五逃閑向老人詢所以近緣軍過苦相搔

富陽縣會江樓

山光簇簇無連嶂江水瀾瀾漲碧瀾何處風烟見真境富陽樓上倚闌干

富陽道中

兩浙風煙入富春眼中形勝開一樽不吸江山渌笑煞桐庐把釣人

江山畫裏看清雄魚稻鄉中樂歲豐不是釣壇壇上客未能忘此就三公

早過新城黃山鎮二首

水無絕壑山無麓春麥收來秧稻穀行穿松逕看烟巒一段碧紗籠水玉

奧溪引作長畦浸宿霧空濛破墨山馬上不知行役倦村村都在畫圖間

白峯嶺

儀曹苦厭為山囚霧幃烟幌看未休行過白峯三十里桐廬江上重回頭

七里灘

桐廬江水綠於藍兩岸山攢碧玉簪前去釣臺猶數里兩峰竒石見巉巉

共惜殘年得遠迂豈知天意却相憐筆頭少得江山助便遣空迴亦愜然

嚴州道中

高盤山頂下深淵馬足長驅不易前幽鳥背人飛去
速一聲津鼓突江煙

叢叢吳岫煖烟生峽束奔江徹底清斜日篙師催進
棹三灘難上要雄撐

蘭溪縣女步道中

豫樟蔽日無黃落竹笋經霜更碧鮮記取江南光景
異煖烟晴日是冬天

三河道中

龍丘風土類中原兩旁山開百里川白鷺水田摩詰
畫桃花溪洞武陵舡

龍游道中

路入龍游不見山縱橫阡陌穀江邊穿籬臘笋如槍
槩夾道寒花似火燃

龍游道中聞馮

避寒來趁稻梁肥水遠山長結伴稀已是江湖遠行
客一雙猶自向南飛

西安道中衢州屬縣

西安荒惡路清寧水泛山行夜不停却為近來山寇
發大明猶未撤閑局

紫溪嶺

紫溪梯嶺一層層况復鞭羸帶雨登頗笑此山巖行
迹世人曾不峻為稱

昔杜止軒告予云揚西庵談諧俠黠之雄者也

世人不知其然不肖何有竟負天下滑稽之名揚何深而僕何淺也予謂分水與紫溪嶺亦然分水雖太平而易登紫溪雖小峻而難陟今世人以大安至險可畏為言而紫溪略無聞焉其與揚杜頭晦初不殊也

車盤嶺大雨中上嶺

時沾窮臘天多雨路轉巔崖險可驚辨着壯心時叱馭兩程併作一程行

武夷山朱文公書院在焉

紫陽集裏已曾遊此日輕舟過山 掘衣不獲拜遺祠武夷一棹空回首

建陽道中二更到縣

山谿流急遠聞聲月暗林深信馬行衆宿歛芒南斗
大半天驚看六星橫

謝朱詠道山長來訪

故縣經兵廢不存考亭依舊泰山尊南來有幸猶親
爰得見先生四世孫

八仙驛

難峻渦旋陟下危施師招處和聲齊八仙驛畔山如
畫一棹清風下建溪

劍浦

湛湛雙溪劍浦秋張華祠下更深幽神兵不斫奸臣
去真是蛟龍亦可羞

李延平道南書院延平名侗晦庵師也

延平劍躍蛟龍窟
澹灘危瀨瀨堆二事
聽來皆野語
道南書院重裴徊

高桐道中

梅花如雪小桃紅
夾道脩篁翠幄濛
折得一枝春在手
蠟香吹滿馬頭風

上水舡

乱石叢堆積鐵然
湍流翻雪沸涸洲
半崖匍匐人如蟻
百丈驚看上水舡

叔洋

鐵喻篙師紙喻舡
上灘元比下灘難
傳呼緩棹蘭橈去
路入叔洋要細看

蒼峽道中

雨後看雲

滿嶺閑看雨後雲
空濛踈薄盡難真
蒼山巧露

都著銖衣掛法身

蒼峽鎮雨夜

地連吳越已夷蠻
蒼峽東南更二千
鄉夢不成非野宿
雨聲還向客牕偏

擎天嶺

寒雲直上看高層
峻極諸山莫與京
不作閩清具瞻物
摩天空擅最高名

秀才嶺

西登盤上卧羊坡
東降平穿谷口蘿
為問蒼巔高幾許
微行人指樹頭過

水口

山路捱來僕馬瘠
方舟南下頓安舒
催搖柔櫓嫌黧
黑行趁漁燈一點孤

小箬

冬陽暖透征衣
燠溪曲寬從水口
開夜半朔風吹月
墮臘寒還逐早潮來

湯池

湯泉為說盡唐庚
一脉溫從地氣生
滌淨世塵初不
汚根源方信本來清

甘蔗洲

山明溪靜絕纖埃
望際川原四面開
忽訝兩涯風浪湧
舟人云是海潮來

雨中江行望甘蔗洲

方舟搖颺櫓聲齊
細雨蓬窓看岸移
望入蔗洲何處
靄霧江平抹白烟凝

懷安縣

縣依溪曲兩岡間
翠竹晴沙轉雪灘
前去郡城饒候
近官儀多是夢中看

總題

無窮山轉青龍峽
不盡溪蟠碧玉漈
西自鎮江南抵
福三千里路略相同

義門任氏詩序

燕雲風土確碩故其俗純厚多以孝友稱御史
簡君寶臣屢談於余吾鄉有任著飛卿者樂讀
書其家義風尤為昭著至三世同爨御鄰化而

慕之願得一言發越其微因賦二詩于以見蒸
蒸所自且勉夫錫類不匱之心焉蒸所自且勉夫錫類不匱之心焉
燕雲任氏世同居和氣薰然樂有餘春在紫荆庭樹
底綠陰初不見扶疎
一門高義冠鄉鄰累葉相承棟莠春不學張公書忍
訓友于元自孝心純

秋澗先生大全集卷第三十

